

nomine, aerario Nostro dependendi alioquin essent, tenendos in Securitatis pignus ita transcribimus et in Sacro verbo Nostro Regio obligamus, ut si quando nec Summae mutuo datae Pecuniae, nec Stati census a Nobis persolverentur, utut eum in finem et numerata publica Regni Contributione tum census, cum et ubi Sortis modo praevio remuneratio inchoabitur, hujus constitutum quotannis peculiariter excindetur, et ad dispositionem memorati Comitum Regni Palatini vigore assignationum nunc pro tunc expeditarum per Regium Nostrum Locumtenentiale Consilium immediate incassabitur in exolutionem illorum, qui in hanc decem Millionum Summam mutui quid contulerint, Titulo interusurij, et successive etiam in praestatutis Terminis ipsius Sortis convertendum Regno Universo Liberrimum sit, memoratam Contributionem tamdiu tenere, donec Summae Capitales cum suis Usuris renumeratae non fuerint; insuper vero salis quoque, et Tricesimae, ac Bonorum Cameralium Proventus, Regum proprios, pro speciali Hypotheca constituimus; porro in uberiores Creditorum Securitatem declaramus, pecunias has mutuo datas Privilegio illo gaudere, quo Singraphae Bancales gaudent, neque ullo unquam onere premendae sint. In quorum omnium robur et firmitatem majorem Litteras Nostras memorato Comiti Palatino ac per eum Universis Regni Nostri Hungariae Statibus et Ordinibus extradandas esse duximus, remunerata ex integro Sorte, Nobis iterum restituendas. Datum &c.

*Obligatoriarum tenor :*

Nos Comes Ludovicus de Bathyan, Perpetuus in Nemeth-Ujvar, Regni Hungariae Palatinus et Locumtenens Regius, Aurei Velleris Eques, Sacratissimarum Caesareo-Regiarum Majestatum Actualis Intimus Consiliarius, Tabulae Septemviralis et Consilij Locumtenentialis Praeses, nec non ejusdem Consilij Locumtenentialis Consilij damus pro memoria: Quoniam Sua Sacratissima Majestas (titulus) pro Sumptibus ad continuandum adeo cruentum et atrox Bellum, ac tandem procurandam honorabilem et constantem pacem inevitabiliter necessariis, velut in alijs haereditariis Provinciis, ita etiam ad haereditarii sui Regni Hungariae fundum decem Millionum Florenorum creditum, tam intra, quam extra Regnum procurandum, erga omnimodam plenissimamque Creditorum Securitatem levare constituerit; eatenus porro rem cum Statibus et Ordinibus Universorum Regni Hungariae et partium ei annexarum Comitatum, ut nimirum iidem fidem nomenque suum interponerent, rem agendo et pertractando, ex Universorum Creditorum adaequata et plenaria Securitate ipsum fundum Contributionalem Hungariae ex pactis Regni Diaetalibus profluentem, et in quantum hic quacunque demum ex ratione deficeret, aut debito tempore haud influeret, Camerales quoque Proventus suos, signanter ex Tricesima et amplissimo fundo Salis provenientes in sortem realis Hypothecae pro indubia et plenaria Creditorum Securitate, ac ea cum declaratione benignissime constituere sit dignata, ut anticipandae Summae Interusurium a per Centum de medio in medium Annum exactissime Creditoribus ex fundo Contributionali praeferenter omnino, Capitale autem evolutis a tempore conclusae pacis sex annis, quolibet anno in uno Millione, ex iisdem fundis, vigore jam impertitae benignae resolutionis, et nomine regio expeditarum Assuratoriarum Litterarum, inque hujus consequentiam nunc pro tunc jam etiam extradatarum Assignationum, ac quibusvis fatalitatum Casibus aut impedimentis